



Бекітемін.  
«Аяна» бөбекжай балабақшасының  
менгерушісі: К.Керімбаева

«Аяна» бөбекжай балабақшасының Әдістемелік кеңес  
отырысының жұмыс жоспары  
2024-2025 оқу жылы

| № | Мазмұны                                                                                                                                                                                                                                                                                                                                            | Мерзімі        | Аяқталу нысаны |
|---|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------------|----------------|
| 1 | Әдістемелік кеңесінің №1 отырысы<br>Күн тәртібінде:<br>1.Педагогикалық үдерісті жаңа оқу жылына дайындау<br>Педагогтердің құжаттарды талапқа сай толтырулары - перспекпиталық жоспарын талқылау.<br>2.МДҰ мектепке дейінгі тәрбие мен оқытудың мемлекеттік жалпы міндетті стандарт талаптарын сақтау негізгі қағидалары.<br>3. Ағымдағы мәселелер. | Қыркүйек 2024ж | Хаттама        |
| 2 | Әдістемелік кеңесінің №2 отырысы<br>Күн тәртібінде:<br>1.Мектепке дейінгі ұйымда салауатты өмір салтын қалыптастырудың маңызы”Баяндама<br>2. Өткізілген ашық ұйымдастырылған іс -әрекеттің қортындысы.<br>3. Ағымдағы мәселелер.                                                                                                                   | Қараша 2024ж   | Хаттама        |
| 3 | Әдістемелік кеңесінің №3 отырысы<br>Күн тәртібінде:<br>1.Қоршаған ортамен танысу, экология негіздері арқылы баланың эстетикалық талғамын қалыптастырудың маңызы.<br>2.Өткізілген іс -шаралар қортындысы.<br>3. Ағымдағы мәселелер.                                                                                                                 | Наурыз 2025ж   | Хаттама        |
| 4 | Әдістемелік кеңесінің №1 отырысы<br>Күн тәртібінде:<br>1. әдістемелік кеңес шешімдерінің орындалуы.<br>2.Оқу жылының қорытынды нәтижесі<br>3.Ағымдағы мәселелер                                                                                                                                                                                    | Мамыр 2025ж    | Хаттама        |

Әдістемелік кеңес

Хаттамасы № 1

29.08.2024 ж

Қатысқандар-12

Күн тәртібінде:

1. Педагогикалық үдерісті жаңа оқу жылына дайындау  
Педагогтердің құжаттарды талапқа сай толтырулары - перспективалық жоспарын талқылау.
2. МДҰ мектепке дейінгі тәрбие мен оқытудың мемлекеттік жалпы міндетті стандарт талаптарын сақтау негізгі қағидалары.
3. Ағымдағы мәселелер.

Күн тәртібіндегі бірінші мәселе бойынша балабақша әдіскері Ж.Садикова педагогикалық үдерісті жаңа оқу жылына дайындау, педагогтардың құжаттарды талапқа сай толтырулары және циклограмма мен перспективалық жоспарды талқылау және бекіту жайлы айтып өтті.

Жаңа 2024-2025 оқу жылына арналған әдістемелік нұсқаулық хат негізінде бөбекжай топ балаларының жас ерекшеліктерін, балабақшаның тақырыптық бағытын ескере отырып, шығармашылық құзыреттілік танытуға бағытталуы қажет. Педагог-мамандар перспективалық жоспарды нұсқаулыққа сәйкес құрайды, нақты жас тобының перспективалық жоспарында педагог-маманның жоспарына сілтеме жасалынады.

Білім беру салаларының мазмұнын кіріктіруді балалардың жас ерекшеліктеріне сәйкес Үлгілік бағдарлама мазмұнын игерудің сабақтастығы мен жүйелілігін қамтамасыз ете отырып тәрбиешілер Үлгілік оқу бағдарламасына сәйкес міндеттер жеке-жеке көрсетіліп, ортақ бір перспективалық жоспар жасалады.

Перспективалық жоспарға сәйкес балаларды қабылдау, ұйымдастырылған іс-әрекеті, серуен, балалардың үйге қайтуы, т.б. күн тәртібіндегі процестердің орындалуын қамтитын және перспективалық жоспардағы ұйымдастырылған іс-әрекеттердің міндеттеріне сәйкес балалармен өткізілетін әрекет түрлерін анықтай отырып, бағдарлама мазмұнын жүйелілік пен сабақтастық қағидасын сақтай отырып балаларды тәрбиелеу мен оқытуда инновациялық технологияларды, әдістер мен тәсілдерді қолдану, балалар әрекетін ұйымдастыру үшін жайлы дамытушы заттық- кеңістік орта құруға сәйкес бір аптаға арналған циклограмма қарастырылатындығына тоқтап, түсіндірме жұмысын жүргізді.

Күн тәртібіндегі екінші мәселе бойынша мектепке дейінгі тәрбие мен оқытудың мемлекеттік жалпы міндетті стандарт талаптарын сақтау негізгі қағидалары жайлы әдіскер айтып өтті.

Биылғы оқу жылында тәрбиешілердің құжаттарында өзгешеліктер бар. Мектепке дейінгі тәрбие мен оқытудың үлгілік оқу бағдарламасы ( бұдан әрі- Үлгілік бағдарлама) Стандарт талаптарына сәйкес.

- Балалардың жас және жеке мүмкіндіктеріне сай білім, білік, дағдыларды қалыптастыруға,
- «Мәңгілік ел» жалпыұлттық идеясына негізделген жалпыадамзаттық құндылықтарға, ұлтжандылыққа және толеранттылыққа тәрбиелеуге
- Баланың өмірін қорғауды және денсаулығын нығайтуды қамтамасыз ететін заттық-кеңістік дамытушы ортаны құруға
- Мектепке дейінгі ұйым менотбасының бірлескен ынтымақтастығын қамтамасыз етуге бағытталған.

Үлгілік бағдарламаның мазмұнын іске асыру балалардың жас және жеке ерекшеліктерін ескеріп оларды жан-жақты дамытуға бағытталған білім беру бағыттарын кіріктіру арқылы қамтамасыз етіледі деп нақты атап өтті.

Стандарт талаптары бала дамуының 3 деңгейі болуын болжайды.

- 1- Деңгей - бала сол немесе басқа қимылдарды қайталай алады.
- 2- Деңгей –бала не істеп жатқанын түсінеді.
- 3- Деңгей –бала өзінің жасай алатынын қолданады деп нақты тап кетті.

### **Күн тәртібіндегі үшінші мәселе бойынша әдіскер ағымдағы мәселерге тоқталды.**

Алда жасалатын жұмыстарға тоқталып өтті.Қыркүйек айында өтетін Тілдер мерекесіне барлық топтарда тақырыптық тәрбиелік шара ұйымдастырылуы қажет және ата-аналарға қосымша мәліметтер жіберіледі.

Қарттар күніне орай сурет көрмесі мен «Атадан балаға мұра» тақырыбында топтық тәрбиелік шара ұйымдастырылып өткізу жоспарланды.Бұл шараны өткізу барлық тәрбиешілерге жүктеледі.

Денсаулық күніне орай «Әкем, анам және мен» спорттық жарыс жоспары жасалынып бекітілсін.

Қазан айында «Алтын күз» мерекесіне музыка жетекшісі мен тәрбиешілер сценарилерін дайындап, уақытын белгілеу тапсырылады. Әрбір мерекенің тәрбиеленушілерге тәрбиелік мәні зор. Сондықтан барлық іс-шараларды жоғары деңгейде дайындап өткізу тәрбиешілердің балалармен жүргізетін жұмыстарының нәтижесін көрсететіндігіне тоқталып өтті.

### **ШЕШІМ:**

1. Жаңа 2024-2025 оқу жылының перспективалық жоспары тәрбиелеу білім беру процесін ұйымдастыру туралы әдістемелік нұсқаулық хат талаптарына сай толтырылсын.
2. Мектепке дейінгі тәрбие мен оқытудың мемлекеттік жалпыға міндетті стандартының талаптары сақталуы қадағалансын.

Әдістемелік кеңес төрайымы:  К.Керимбаева

Хатшы:  Г.Абдикеримова



## ЖШС «Аяна» бөбекжай балабақшасы

Әдістемелік кеңес

Хаттамасы №2

22.11.2024ж

Қатысқандар 12

Күн тәртібінде:

1. "Мектепке дейінгі ұйымда салауатты өмір салтын қалыптастырудың маңызы" Баяндама

2. Өткізілген ашық ұйымдастырылған іс -әрекеттің қортындысы.

3. Ағымдағы мәселелер.

Күн тәртібіндегі бірінші мәселе бойынша орталық медбикесі бала денсаулығының мықты болып, қозғалыс, дене құрлысының дұрыс жетілуі бақша жасына дейінгі кезеңде қалыптасатындығын айтып өтті. Сондықтан бала ағзасының қызметін жетілдіру қабілетін арттыру осы кездегі ең басты міндет болып табылады деді. Бұл міндеттердің маңыздылығы мынада ағзаның қорғаныс қабілеті нашар қалыптасқан кішкентай балалар сыртқы ортаның қолайсыз әсерлеріне тез ұшырайды. Сондықтан сүйектің, буынның дұрыс әрі өз мерзімінде жетілуіне бел омыртқаның физиологиялық иіндерінің қалыптасуына табан дөңістерінің дұрыс жетілуіне тыныс алудың тереңдігі мен ырғақтылығы тыныс алуды қозғалыспен үйлестіруге мүмкіндік жасап, үнемі ықпал ету қажет деп атап өтті. Жаңа стандарт негізінде бақша жасына дейінгі баланы шынықтыру -сауықтыру шаралары « физикалық қасиеттерін дамыту» бағытында көрсетілгендей балалардың өз денсаулығына саналы көз қарасын тәрбиелеу денсаулықтың адамға берген басты құндылығы екенін түсіндіру қозғалыс белсенділігін дамыту және физиологиялық қасиеттерін қалыптастыру деп атай келе берілген баяндаманы егжей – тегжейлі тәрбиешілерге түсіндіріп өтті.

Күн тәртібіндегі екінші мәселе бойынша балабақша әдіскері Ж. Садыкова топтарда өткізілген ашық сабақ ұйымдастырылған іс - әрекеттің өз дәрежесінде жақсы өтілгендігін балалардың коммуникативтік танымдық және шығармашылық дағдыларын дамытуда балалардың сөйлеу мәнерінің дамуына, ой -өрісінің дамуына үлкен септігін тигізетіндігін айтып өтті. Алдағы уақытта осындай ашық ұйымдастырылған іс -әрекеттерге барлық педагог тәрбиешілердің қатысып, ой түртіп алуын ескерте кетті. Сонымен қатар сабақ барысында көрнекіліктердің өте керемет екендігін балалардың назарына тәрбиелеп бірден өзіне қарау жағдайының бар екендігін айтып өтті, бұл дегеніміз балалардың сабаққа қызыға қарайтындығын көп нәрсені ойына түйетіндігі болып табылады.

Күн тәртібіндегі үшінші мәселе бойынша ағымдағы туындаған мәселелеріне тоқталды.

Желтоқсан айында болатын Тәуелсіздік күні қарсаңында ата -аналармен көрме ұйымдастыру, топтарда ата -аналар бұрыштарына құттықтау ілу, балаларға Тәуелсіздік күні туралы мағлұматтар беру жоспарланып отыр. Осы орайда барлық топтарда тәрбиелік іс-шаралар жоспар бойынша өткізілді. Сонымен бірге жаңа жыл мерекесінің сценар дайындау, топтарда дайындық жұмыстарын жүргізу музыка жетекшісіне жүктеледі, ал тәрбиешілер музыка жетекшісімен бірге дайындық жұмыстарын жүргізіп, бекітілген кесте бойынша топтардың тәрбиелік іс-шарасын өткізді. Топ тәрбиешілері жоспарға сай ата -аналар жиналысын өткізіп, хаттамаларын уақытылы толтырулары қажет.

### Шешім:

1. Балабақшада салауатты өмір салтын қалыптастыру мақсатында сауықтыру-шынықтыру шаралары қолға алынсын.
2. Жас мамандар ашық ұйымдастырылған іс – әрекеттер мен тәрбиелік шараларға қатысу тәлімгерлерге жүктелсін.
3. Ата -аналармен кезекті ата -аналар жиналысын өткізіп, хаттамалары уақытылы толтырылсын.

Әдістемелік кеңес төрайымы:

Хатшы:



К. Керимбаева

Т. Абдикаримова

ЖШС «Аяна» бөбекжай балабақшасы

Әдістемелік кеңес

Хаттамасы №3

10.01.2025ж

Қатысқандар № 12

Күн тәртібінде:

1. Қоршаған ортамен танысу, экология негіздері арқылы баланың эстетикалық талғамын қалыптастырудың маңызы.
2. Өткізілген іс -шаралар қортындысы.
3. Ағымдағы мәселелер.

Күн тәртібіндегі бірінші мәселе бойынша табиғатқа деген сыйды жоғалту адамзаттың адамгершілік құндылықтарын жоғалтуға әкеліп соқтырады. Қазіргі уақыттағы әлемдегі экологиялық жағдай адам көзқарасының өзгеруін талап етеді. Экологиялық тәрбие мектепке дейінгі жастан басталуы тиіс, себебі балалық шақтың осы кезеңінде бала табиғат туралы эмоционалды әсерде болады, өмірдің әртүрлі нысандары туралы түсінік, яғни өсіпкеле жатқан ұрпақта жаңа экологиялық ойлаудың, сананың негіздері қалыптасады, экологиялық мәдениеттің бастапқы элементтері қаланады.

Экологиялық тәрбие жұмысын жүргізу, оқытудың негізгі формалары бақылау, қызықтау, серуен болып табылады. Тәрбиешінің табиғи нысандары мен табиғат құбылыстарын бақылауды ұйымдастыруы, балаларды табиғатпен таныстырудың негізгі мәселесі болып есептеледі. Қызықтау кезінде балаларды таза ауада, көз тартар әдемі гүлдер мен ағаштар арасында болуы көтеріңкі көңіл-күймен қатар табиғат сұлулығын сезіне білуіне зор әсер ететіні анық. Ал серуен кезінде, тәрбиеші балаларды табиғатпен таныстырып, өсімдіктерге су құю, құрғақ жапырақтарды бірге жинау, ағаш түптерін тазалау.

Мұндай еңбек түрлерін орындау, балалардың еңбекке деген жауапкершілік сезімдерін дамытып, ынтасын арттырады. Экологиялық тәрбие жұмысын ұйымдастыруда тәрбиенің негізгі салалары болып табылатын адамгершілік, эстетикалық еңбек, имандылық тәрбиелерімен сабақтаса жүргізу басшылыққа алынады. Балаларға мазмұнда көрсетілгендей өлі және тірі табиғатпен одан әрі таныстырып, табиғат құбылыстары жайында бастапқы жалпылама, ұйымдарды нақты түрде меңгеру ұсынылады. Қорытындылай келе мектеп жасына дейінгі балаларға өз табиғатымызды сақтап, оның әсемдігімен таныстыра отыра, өзіміздің өмір сүруімізге зор әсер ететіндігін, табиғат пен адамдар тығыз байланыста екендігін, бір-біріңізді тіршілік болмайтынын түсіндіре отыра қоршаған ортаға деген қызығушылықтарын арттыруға, қамқор болып, қорғауға тәрбиелеуіміз керек. Сонда ғана табиғатымыздың ауасы таза, берер құдіреті көп болмақ деген ойдамын деп баланың эстетикалық талғамының, табиғатқа деген әсем сезімнің қалыптасуының маңызын түсіндіріп өтті.

Күн тәртібіндегі екінші мәселе бойынша балақша меңгерушісінің Қ. Керимбаева өткізілген ашық ұйымдастырылған іс-әрекеттер мен тәрбиелік іс-шаралар барлық

топтарда өз деңгейінде өтті. Тәрбиелеу білім беру процесінде жеке тұлға қалыптастыру бағытындағы барлық дағдылар толық қамтылған. Балалардың қимыл-қозғалыс, бейімделу, коммуникативтік, эмоционалдық, әлеуметтік, коммуникативтік дағдыларын қалыптастыруда жақсы жұмыстар атқарылған. Осы орайда барлық топ тәрбиешілерінің жұмыстарын атап көрсетуге болады. Алдағы уақытта осындай ашық сабақтарда жас мамандардың мұқият қатысып, ой түртіп алуын ескерте кетті. Сонымен қатар ашық оқу қызметінде көрнекіліктердің өте керемет екендігін, балалардың назарын тәрбиеші бірден өзіне қарату жағдайының бар екендігін айта өтті, бұл дегеніміз балалардың сабаққа қызыға қарайтындығын көп нәрсені ойына түйетіндігін айта өтті.

Күн тәртібіндегі үшінші мәселе бойынша әдіскер ағымдағы мәселелер бойынша алдағы атқарылатын жұмыстарға тоқталып өтті. Қаңтар айында ата-аналарға қыс мезгіліне байланысты берілетін кеңестер ата-аналар бұрышына уақытылы ілініп, мәлімметер берілуін және қаңтар, ақпан айында жоспарланған ашық ұйымдастырылған іс-әрекеттерінің уақытылы өтілуін, оған барлық педагог-тәрбиешілер қатысып, өзара ұйымдастырылған іс-әрекетке қатысу парағын толтырып отыруларын айтты. Балаларға жол ережесін үйрету, балалармен өтетін спорттық сайысына тыңғылықты дайындалуларын, балабақша мен мектеп сабақтастығы, ересек топ балаларының мектеп кітапханасына саяхатқа баруы, оны дұрыс ұйымдастыру туралы айтып, әрбір өткізген шараларының есебін уақыттылы таныстырып отыруларын айтты.

#### ШЕШІМ:

1. Экологиялық тәрбие жұмысын ұйымдастыруда тәрбиенің негізгі салалары болып табылатын адамгершілік, эстетикалық еңбек имандылық тәрбиелерімен сабақтаса жүргізу қолға алынсын.
2. Жас мамандар ашық ұйымдастырылған іс-әрекетке қатысуы тәлімгерлерге жүктелсін.
3. Қаңтар айында ата-аналарға қыс мезгіліне байланысты берілетін кеңестер ата-аналар бұрышына уақытылы ілінсін.

Әдістемелік кеңес төрайымы:

К.Керимбаева

Хатшы:



Г. Абдикаримова



